

泗水縣志

光緒十八年重修

孝

卷首

序文 修志姓
凡例 總目

卷一

方輿誌 星野 沿革
疆域 山川 形勝

卷二

建置誌 行宮 城池
衙署 倉廩
養濟院
社村 舖舍
橋梁 亭榭

光緒十八年重修

泗水縣志

板存學畧

重修泗水縣志序



今

皇上光緒二十有二年泗水縣脩志告竣

賜進士出身同知銜知泗水縣事
漢軍趙英祚乃序生緣起而
書緒用首曰明以前廢得而詳
已泗之志蓋自明始矣靖時縣

泗水縣志

序

一

尹淮南張君祚因潛山郭君
草創之本釐定之誌以天文
地理田賦建置職官祠祀學校人
物選舉詩文為十類越四十年
年是為萬曆丙申縣尹晉江
尤君應魯續修之補其缺漏
籍生釋舛刪生繁萃分方輿
食貨建置職官選舉人物藝

文定祥牧政為九類較張誌頗
以更易又越六十餘年且為

國初順治辛丑縣尹上谷劉君桓
復取尤誌依類續修至康熙壬
寅鄉宦連易尹盧君應就獨
捐廬俸刊於任所迄今已越二百
餘年矣盧君子性學守生板每
新尹蒞任則命書吏就生家

泗水縣誌

序

二

刷印顧歷年免久字多漫漶
頁每帶全且於熙雍之後他述
闕如披閱之餘殊滋憾彩文以
泗地延袤百里近鄰至屋

聖祖

高宗翠華每幸上下二百餘年之

中

法化滙儒淪肌浹髓吏治民風

卓然可誌者曰自不乏使竟任
于漚波此獨是邦文獻之不足
抑亦宰是邦者之咎也英祚
下車後謀諸紳士書于君峻瞻
等僉稱思貢生候選教諭王
君界南風有纂輯亟取觀
之深嘉其取材宏富足資根
括因漫分委士支搜訪考訂

補所未逮而流學博黃君子
丹脩飾潤色揔司其成爲類
凡一子有五首方輿次建置次
官師次名官次牧政次食貨
次學校次風俗次選舉次鄉
官次人物次節烈次舊跡次災
祥次藝文總目細目逐類相從
視尤誌爲加詳而叙論則多仍

尤志之舊曰是書也未知何人對
山武功德陸稼書靈壽志為
何如要之不濫不誣信之傳後
起郭張尤劉諸君而質之庶
幾可告無憾焉已



序

泗水縣志不修者已三百年矣自邑侯趙蔭
翁明府莅任一言修而數月告竣此何以故
蓋事得其人則可集功有所因則易成泗之
南有明經王界商先生者閉戶讀書不與外
事余與交數年知其有著作書二索視之一曰
泗上雜識一曰泗上筆墨偶存奉讀一過曰
斯豈先生一人之書哉直作縣志稿觀可耳

泗水縣誌

序

五

何居誌莫大於建置沿革山川古跡人物金
石諸目而泗上雜識盡之矣誌藝文也博採
前輩詩文傳記等篇而泗上筆墨偶存盡
之矣得此而誌之修不難也先生遜謝曰修誌
則吾不敢然竊有志焉自是余每與縣尹言
必以修誌為請凡經五尹率膜然置之今
歲春正月趙蔭翁明府以漢軍名進士來
攝泗水縣篆甫下車余即以前言進明府大

悅曰焉有三百年不修之邑誌乎此率是
王者之慢也他日商諸紳士王峻瞻與博學
博志黃之於是乎計波乃刻期召集諸生於學
宮諭以修誌事宜者即派定採訪者誰籌
貲者誰司局者誰繪圖校刊者誰畢又出所
撰凡例十二條輯界尚而屬之日纂彙稿之役
重煩先生矣其悉如例界尚辭不許秋七月界
尚出所著二書摘而歸之編以年次以目一筆

一劑無不實事求是爾時左右界尚之旁參
閱校讎言奔走不遑者則有胡印秋茂士他如
喬樹堂馮一山西明經閻輯之太學志清與
有芳焉每一編成輒呈明府而鑒定之自七月
草創八月脫稿九月開雕十月告歲總計其
時不過四閱月而誌成矣夫泗邑之誌自前
明尤公修於萬曆丙申迄今已歷三百年所
中間兵火迭更故家中舊碑碣湮沒人文

凋零欲求數月之間而輯三百年之事歟
功詎不難歟昔日之不修豈果宰是土者盡
無意耶良由代遠年湮文獻無徵有一二人
出咨嗟而難之而事且中沮然則今日者非
遇我趙昭府而誌不修遇我趙昭府而無界尚
先生之書以為底稿則修念不克若是之易
也吾故曰事得其人則可集功有所因則易
成也余喜誌之成而尤喜成之之速爰率筆

泗水縣誌

序

七

而為之序讀斯誌者其亦知重修之緣起有
耳時在

光緒壬辰冬十月十舉進士不第泗水縣訓
導印墨黃承贖謹序



重修泗水縣志序

邑之有法所以法今昔之事使覽者瞭如指掌也泗邑之法始修於前明嘉靖辛亥再修於萬曆丙申至

國朝順治辛丑又增修之至於今二百年餘歲矣凡應續誌者不惟順庸之時去由周知即近在百年內者亦未易悉也光緒壬

泗水縣志

序

八

辰我

邑侯趙老父師以漢軍名進士來莅斯邑下車之後政平訟理闡教月見邑法歷久未修我同祀宋之無徵倘猶因循如故事跡之湮沒後之視今無異於今之視昔將莅是土者何所據而知利弊居是土者何所觀而思興起哉於是欲為重修計會於

學署高法陵縣章公祝三印墨黃公子身而
廣文僉司可乃招邑人士諭以從事無不歡欣
鼓舞遂於應入諸節各為採訪黃廣文博
綜典故所採訪者加以筆削於舊法所遺
者補之以後者續之體則歸於正大章則求
其確詳三閱月而稿脫 邑侯打桑續錄
暇觀覽而折衷焉即付法剞劂未半歲而

泗水縣誌

序

九

之後我泗之事不至湮沒無傳者胥賴此
舉也故叙其巔末如此

告

光緒十八年仲冬候選教諭邑人王自阡謹序



跋

余於壬辰嘉平蒞任茲土得悉縣誌重脩之工始竣偶於公暇翻閱一過其中微有虛虎魯魚恐至年久月久考古者必致疑且傳疑也然知而不舉則繼宰是邑者亦難辭咎今特委原脩紳董王君峻瞻及所南兩廣

泗水縣誌

跋

文再加詳校所有錯誤委悉為改正庶幾別風淮雨之訛可免矣脩既成爰綴數語以誌之

昔在

光緒十九年歲次癸巳夏六月中浣

知泗水縣事南陽王佐才跋



始修泗水縣誌序

泗水志志泗水也泗舊無志文獻失徵草創者潛山郭君執中李君暨何生凌霄賀生詔始敘其略凡例規式尙未定也且復冗襍魚豕相半未便觀覽歲庚戌余始至涖泗政首見是書欲加訂葺政務叢脞未遑也至辛亥秋適充府通守仰龍劉公延訪該屬地志移文蒐取乃命善書者分卷繕錄志略始備夫志史具也古有列國之史又有四方之志九邱之籍至周猶有外史所掌職方所敘其法備於漢史記非有三長者莫能修余非其人也何以志爲雖然蘇子云

泗水縣誌

卷首序

一

經以載道史以載事事不備則道弗顯故六經有尙書春秋禮樂風雅皆古史也顧泗志廢缺而年久弗修佚亂無統何以垂後况地居魯域北峙泰岱南聳尼峰龜蒙東瞻闕里西仰邑西有東山孟子所謂孔子登之而小魯東有泗源夫子觀之有川上之歎固洙泗淵源之地聖化融液之區山川靈秀賢人君子萃聚以啟萬世人文之秘者曾可弗之記乎是故首之以天文辨星土也次之以地理述方輿也次之以田賦叙禹貢也物必有居故次之以建置治必有掌故次之以職官幽而事神祠祀崇焉明而治人學校

興焉載之以人物法列傳也紀之以選舉備里選也
因以詩文終焉見聖謨之孔彰物理之歌咏此志之
所以修也有師帥之責者展卷而觀之仰天文則休
咎之徵著俯地理則安危之機顯考田賦之繁簡世
之升降可知稽人民之登耗政之得失自見曰建置
曰職官所以鑒賢否也曰祠祀曰學校所以重首務
也人物列而尚友之志崇選舉書而考德之法備載
觀箴勅題咏又周禮之建民極太史氏之陳民風者
也其資於司牧者大矣故不辭一言以弁諸首遂錄
諸梓焉且以備他日修國史者之採擇云

泗水縣誌

卷首序

二

嘉靖辛亥歲泗水縣知縣淮南張祚撰

始修泗水縣誌序

泗志舊未修修之者思軒張侯也其條目凡例侯序之詳矣余無容贅志刻方成閱之見邑東有卞城西有東山背負徂徠秦嶽巉巖嶽嶠崎勢插天表如斯亭夫子臨之以嘆道體也聖公山有曬書臺北有盜泉夫子之所經以游息止渴也攷之周魯遺墟隣封接壤龜蒙相望鬱鬱蒼蒼顓臾費邑魯季孫氏之所侵伐以庇私邑也西南有靈光殿兩觀門尼峰聳翠闕里巍峩而陋巷之井三遷之里存焉又聖賢淵藪之地天下萬世望之景仰者也泗與洙合沿於孔林達

泗水縣誌

卷首序

三

於漕河百里之內山川之秀真萬古靈淑攸鍾者乎自當時觀之季孫氏之強三分魯國蔑視魯君勢力何如哉今惟見荒城衰草白露瀼瀼而已唯栖栖夫子陋巷春生泰山巖巖者至今萬世宗仰崇祀與天壤俱斃南宮适氏有禹稷羿奭之喻詎不信耶余忝職教事日課諸生庶幾有魯多賢漢兩生者出以接續斯文未能也幸張侯來涖泗政誨育諸生日有課月有考政少暇輒與諸生商確政事辨論古今人物如燭照而數計然其修是書殆發前人之所未發二三子其必有兩驂翱翔萬仞壁立者矣余將於茲拭

目也故特序諸顛末

嘉靖辛亥歲泗水縣教諭陽武李驥撰

泗水縣誌

卷首序

四

續修泗水縣誌序

泗之有誌修於嘉靖之辛亥年維時淮南張公來蒞茲土搜羅舊聞博採新見分文辨類各爲評斷上下二百年間斯亦稱苦心矣自張公而後至於今已四十餘年中間遊宦之名籍鄉賢之品格政事之得失風俗之污隆山川之廢興皆莫得而稽使後之視今猶今之視昔也將復汶汶寂寂以至於無徵謂非司是土者之責耶余不佞承乏茲土卽慮誌之缺焉莫徵且詳前誌中有疑舛而未信者有繁蕪而無當者訛以傳訛貽誤後世余旣謬叨是役倘不亟起而正

泗水縣誌

卷首序

五

之是後世之誤實余誤之余烏乎敢夫舊誌惟卞莊子仲由世系在泗載入祀典此實錄也而乃祀及於臧儻伯等又推及於管仲季札等其義何居得無疑舛而未信者與縣有縣記學有學記以至於境內山川有記此實錄也而乃記及於靈光殿等賦又漫及於謁孔子廟謁泰山等題於義又何居得無繁蕪而無當者與余也見不通方徒懷固陋期在於不忘本實乃以告於學博黃君劉君而僉曰然又以質正於鄉先生賀君張君而亦僉曰然於是命允修喬生董其役諸凡分文辨類大體如舊制要在於缺者補之